



# FAKKEL-FLITSE

## Weeklikse nuusflitse vir 'n ingeligte Framesby-familie!

Kontakbesonderhede: [nuusbrief@framesby.co.za](mailto:nuusbrief@framesby.co.za)

Uitgawe 77: 4 Maart 2016

### Framesby 500 - Groot geleentheid!!

Die Beheerliggaam het verlede jaar op 'n meer direkte bemarkingstrategie besluit, en het die dienste van 'n privaat-instansie, Forever Friday, wat spesialiseer in die bevordering van bepaalde handelsmerke en bemarking, sowel as fondsinsameling, bekom om hierdie strategie te loods en tot uitvoering te bring.

As deel van hierdie veldtog is die Framesby 500-inisiatief onlangs van stapel gestuur waardeur belangstellende adverteerders gebruik kan maak van 'n uitstekend-ontwikkelde reklamepakket.

FRAMESBY500 is die IDEALE reklame-strategie om kliënte-verhoudinge te bou. Dis koste-effektief en slim ontwerp om elke tipe onderneming en markbehoefte te akkomodeer. Dit het 'n vars benadering en beloon deurlopende lojaliteit deur voortdurende groei in die vlak van bewusmaking by die breë publiek.

'n Reeks reclamepakette is ontwerp wat die behoeftes van enige onderneming kan akkomodeer en alle ontwerpsdienste en direkte koste rakende infrastruktuur en drukwerk is ingesluit in elke pakket. Daar is dus geen VERSTEEKTE KOSTE nie. Elke voornemende adverteerder word toegewyde diens rakende die bestuur van elke advertensie gewaarborg.

Ons bring graag hierdie opwindende inisiatief onder ons ouers se aandag en kan u verseker dat 'n geleentheid hier geskep is waarby amper enige onderneming of tipe besigheid baat kan vind. Daar bestaan nie tans soortgelyke geleenthede in Port Elizabeth nie, en blootstelling aan 'n groot deel van die Port Elizabeth-, ook die breër Oos-Kaap-gemeenskap, is 'n gegewe.

Die bemarkingskonsultant eksklusief verantwoordelik vir hierdie veldtog is Roxanne van der Merwe. Kontakbesonderhede word in die advertensie op die laaste bladsy uiteengesit.

### FRAMESBY 50

ONTHOU! Met die feesvieringe om die draai wil weer graag die basiese program onder u aandag bring:

Woensdag 27 April: Kermis heeldag en die aand 'n gaskunstenaar

Donderdag 28 April: Bederfdag vir ons leerders

Vrydag 29 April: Kultuurdag met konsert die aand

Saterdag 30 April: Sportdag in die vorm van Interhuis-kompetisies

Sondag 1 Mei: Fees-kerkdiens

Alhoewel die groot fees-reünie eers in Julie sal plaasvind, sal dit baie goed wees as so veel as moontlik oud-leerlinge hierdie feesgeleenthede bywoon. Ons wil graag erkenning gee aan almal wat oor die jare help HANDHAAF en BOU het! Hou asseblief hierdie datums oop in u kalenders!!

### BELANGRIK!

Alle uitstaande take, toetse en projekte wat deel vorm van SGA, MOET tydens die Toetsreeks ingehaal en afgehandel word. Reëlings sal getref word met die betrokke leerders

### VERJAARDAE HIERDIE WEEK

#### Saterdag

Lara Havenga 12B  
Duan Kruger 11A  
Anke Mocke 11F  
Kyle Snyman 12A  
Nolene Spinks 9A

#### Sondag

Megan Liebenberg 9B

#### Maandag

Ian de Reuck 8E  
Arno Venter 12F

#### Dinsdag

Edrich Botha 9E  
Marnu Mostert 8B

#### Woensdag

Tillyscha Claasssen 11G  
Marli Opperman 10C  
Derik van der Merwe 9B  
Divan van Dyk 9G

#### Donderdag

Cornelius Greyling 10C  
Kyle Gunn 10B  
Jacques Minnie 11F

#### Vrydag

Jason Crous 8B  
Monique Hattingh 10A  
Liani Slabbert 12G

# ONS LEERDERS IS BESIG!



## O/16 Hokkiespan vang gees op spanbou in Graaff-Reinet!

Die seisoen vir Dogterskrieket het tot 'n einde gekom en so het die einde van 'n merkwaardige era in Framesby se sportgeskiedenis ook tot 'n einde gekom. Wat sal Framesby wees sonder Anneke Kapp? Nie net het sy wonderlik op die atletiekbaan presteer nie, maar sal ons haar beslis ook onthou as die uitblinker-staatmaker op die krieketveld! Haar humor en entoesiasme sal BAIE gemis word.

Saan met Anneke neem ons ook afskeid van Annemie Blignaut en Nina Dreyer, wat ook diep spore in ons krieketgeskiedenis getrap het. Heel gepas het Nina dan in die laaste wedstryd teen Collegiate haar eerste paaltjie geneem! Annemie skitterend gekolf en Anneke het 3 paaltjies vir 12 lopies geneem. Framesby het die wedstryd met 38 lopies gewen en so die seisoen op 'n hoë noot afgesluit. Baie geluk!

Groot dank aan mej. Smith en almal betrokke by ons dogterskrieket.



**DOGTERSKRÍEKET GROET  
MET SOET OORWINNING!**

## SPORTPROGRAM HIERDIE Naweek

Die somersportseisoen staan nou einde se kant toe, en van die laaste bepalings vind hierdie naweek plaas. Intussen begin die wintersportseisoen eersdaags en verskeie spanne is reeds hierdie naweek in aksie in voorseisoen-wedstryde.

Die krieketseisoen sluit af met wedstryde teen Kingswood College. Die 1stes en O/15-span se wedstryde word by Kingswood beslis, en die 2des en O/14's speel by Framesby.

Die Oos-Kaap Skole Atletiekbyeenkoms vind hierdie naweek in Oos-Londen plaas

Die rugbyseisoen skop af met die 1ste span en die O/14-groep wat by Gill Kollege in aksie sal wees.

Baie sterke aan al ons atlete en ander sportmanne!

## FRAMESBY-KUNSTENAARS STAL TALENT UIT OP SA'S

Ons het onlangs die goeie nuus ontvang dat 'n groep van ons leerders ingesluit is in 'n groep uitvoerende kunstenaars wat die OP tydens die vakansie by die Suid-Afrikaanse Kampioenskappe vir Uitvoerende Kunste gaan verteenwoordig. Hulle is Jean-Pierre Cloete, Juan-Marie Dorfling, Marli Classen en Anneke Bushby. Na afloop van hierdie kampioen-skappe word 'n groep aangewys wat Suid-Afrika in Los Angeles sal gaan verteenwoordig. Baie sterke aan al hierdie leerders.

Framesby is baie trots op julle en ons hou duim vas dat almal die SA-groep haal!

**BOTTELS EN BOTTELS WATER VIR  
DIE MB-DROOGTEHULP PROJEK!**

**DANKIE!**



# FRAMESBY IS TROTS OP.....

## FERREIRA'S IN OP-SPAN

Monique en Kayla Ferreira is onlangs gekies om die OP in die Moderne Vykamp te verteenwoordig by die Suid-Afrikaanse Kampioenskappe wat aan die begin van volgende kwartaal, op 8 en 9 April, in Bloemfontein sal plaasvind. Veels geluk, julle twee! Dis 'n besondere prestasie en ons wil julle graag baie sterkte toewens met die voorbereiding vir die kampioenskappe. Hou Framesby se naam hoog en ons hoop julle verower baie medaljes!



### WILANIE, JANRÉ EN CARLÍ NA SA'S

By Framesby aanvaar ons dit sommer as vanselfsprekend dat ons top-tennisspelers die OP-spanne sal haal. Niks kom egter vanself nie, en ons is BAIE trots op Carli van Onselein, Janré Viljoen en Wilanie van Zyl, wat almal ingesluit is in die OP-skolespan wat tydens die vakansie aan die SA-Skoletoernooi in Pretoria gaan deelneem.

Carli het verlede naweek deelgeneem aan 'n SATA-tennistoernooi in Port Elizabeth, waar sy derde in die ope-vroueafdeling geeindig het. Pragtige prestasie, Carli!

Ondanks 'n lang stryd met beserings het Wilanie ongelooflik goed presteer en is sy tans die nommer 1 speelster in die OP, terwyl Janré tans die nommer 2 seunsspeler in die provinsie is. Baie geluk en gaan maak ons trots!

## ATLETE SKITTER BY OP-KAMPIOENSKAPPE

Tydens die pas-afgelope OP-Kampioenskappe het Framesby se atlete geskitter. Ons altesaam 27 medaljes verower, met 10 goud, 10 silwer en 7 brons, die meeste van enige skool in die Oos-Kaap. Die volgende atlete het **GOUE MEDALJES** verower: Andre Keyser, 400m Hekkies, Johan van Biljon, gewigstoot en diskus, Tlshian Viljoen, goud in die driesprong en silwer in die verspring, Vicky Oelofse, goud in die 1 500m en brons in die 800m, Chane Petzer, 3 000m, Roelof Meyer, gewigstoot, Anneke Kapp, diskus en gewigstoot, asook Amorette Matthee in die 3 000m hindernis.

Die volgende atlete het almal **SILWER MEDALJES** verower: Janno Aggenbag, 2 000m Hindernis, Shene Delport, 3 000m, Enre Lotter, driesprong en brons in die verspring, Kayla Ferreira, driesprong, Cailin Scheepers, 100m en 200m, Bridget Hart, 400m Hekkies, Anneke van Rooy, silwer in die 200m en brons in 100m asook Carla Viviers, spiesgooi. **BRONS MEDALJES** is deur Bjorn Ferreira, 1 500m, Ruan Smith, hamergooi, Abigail Appelgryn, hoogspring, en Lara de Bloe, 3000m, verower. Baie geluk aan al hierdie atlete. Die OP-span na die SA's was teen perstyd nog nie gefinaliseer nie, maar ons wens almal wat die OP-span haal baie sterkte toe!

## PROGRAM VIR DIE WEEK

Saterdag 5 Maart	Sondag 6 Maart	Maandag 7 Maart	Dinsdag 8 Maart	Woensdag 9 Maart	Donderdag 10 Maart	Vrydag 11 Maart
Krieket: Kingswood <b>Rugby:</b> Gill Kollege-dag <b>Atletiek:</b> Oos-Kaap Kampioenskappe		Dag 6 <b>Musiek:</b> Musiekleerders-konsert Skoolsaal: 18:00	Dag 7 Laaste dag vir indiening van agterstallige SGA-take. Tref reëlings vir inhalaat tydens Toetsreeks	Toetsreeks begin SGA-take nog nie ingehandig moet in die Toetsreeks ingehaal word Skooldag eindig 13:00	Toetsreeks Beheerliggaam-vergadering Skooldag eindig 13:00	Toetsreeks Laerskole Sportdag: Rugby Netbal en Hokkie <b>Despatch Sportfees:</b> Netbal en Hokkie

# ALGEMEEN EN SIELSKOS

## MAGTELOSE DEERNIS

DIE titel van 'n boek wat onlangs in Amerika verskyn het (*Prisoners of a Dream*), druk die tragiese werklikheid uit dat mense 'n lofwaardige ideaal kan hê, selfs 'n wonderlike droom van vryheid, menslikheid en die mooiste ander dinge kan droom - en dat hulle tog in hul ywer om dit te verwesenlik self tot gevangenes daarvan kan word, en dan self die dinge verkrag wat deur hulle nagejaag word. Ons groot probleem as mense is nie dat ons nie mooi ideale het nie. Daar is genoeg mense in die wêreld wat 'n visie het van hoe 'n ideale wêreld daar behoort uit te sien. Ook wat ons persoonlike en gesinslewe betref, is ons meestal nie sonder edele motiewe en begeertes nie. Maar omdat ons sondaars is en daar iets basies aan die wortel van ons bestaan verkeerd gegaan het, word ons edele motiewe en ideale altyd deurkruis deur te veel ander kragte en onedele neigings in ons self wat ons baie maklik van koers af kan bring en ons ideale huis verongeluk. Dit is selde of ooit so dat daar nie aan ons mooi ideale ook 'n stuk selfsoeke verbonde is nie. Bowendien leef ons in 'n ingewikkelde wêreld waar daar ook ander mense met ideale is wat ons drome dwarsboom en frusrasie op ons pad bring. Ons loop onsself vas teen feite en gewordenhede, teen die onwil en traagheid en domheid van talle ander mense, huis ook van sommige van die mense met die oog op wie ons miskien ons edele ideale koester. En dan kan dit maklik gebeur dat die ideaal wat ons koester, deur ons losgemaak word van die realiteit en tot 'n soort abstraksie word wat ons tot elke prys wil verwesenlik, huis omdat dit vir ons ook verbonde is aan selfsugtige en eersugtige en heersugtige motiewe waarvan ons miskien nie altyd aan onsself rekenskap gee nie. Dan mis ons die wysheid en die soepelheid om te verstaan dat drome in ons soort wêreld nooit met rigorisme en sonder morele integriteit verwesenlik kan word nie. Ons moet na ideale strewe om egte mense te kan wees, maar as ons slawe van ons ideale word en hulle oor ons begin heers sodat ons hulle tot elke prys wil najaag, ook tot die prys van ons morele integriteit, is ons op 'n uiters geværlike pad. Hoeveel mooi drome van ambisieuse ouers het al hulself en hul kinders vernietig? En hoeveel staatsmanne het al groot drome vir hul land gekoester, net om hulle feitlik moreel en materieel te gronde te rig? Dit is goed om groot ideale vir jou volk te koester, maar as dit teen die prys van hul morele integriteit verwesenlik moet word, word jy 'n slaaf daarvan en sleur hulle saam met jou die afgrond in. Dink maar aan die voorbeeld van Hitler. Ook in ons land en in ons persoonlike lewe moet ons daarteen gewaarsku wees. 'n Abstrakte ideaal, hoe mooi ook al, kan tot 'n Molog word wat die hoogste offers vra, sonder om te gee wat hy beloof het.

Uit *Die Burger* 30 Junie 1990

## Framesby 500

Hoëskool Framesby  
**500**

WORD VANDAG  
DEEL EN GROEI U  
BESIGHEID  
BEKOSTIGBAAR

SLIM en DINAMIESE  
ADVERTENSIEPLANNE  
vanaf slegs R5000 per jaar

Roxanne van der Merwe  
Bemarkingskonsultant  
marketing@framesby500.co.za  
041 373 0427



### TOETSREEKS VOLGENDE WEEK

Woensdag 9 Maart					
	8	9	10	11	12
1	SW (Gesk)	NW (LW)	Eng	Eng	Afr
2	SW (Geo)	NW (FW)	VS	Rek	IGO Mus
Donderdag 10 Maart					
1	EBW	Afr	Wisk WG	CAT	Wisk WG
2	LO		Toer	IT Mus	
Vrydag 11 Maart					
1	Wisk	EBW	FW	Wisk WG	FW
2	Wisk SBA	LO	BS	IGO	